



ANG **PAGHIMAKAS**

IKA- LIMA NGA ISYU

OKTOBRE-DISYEMBRE 2001


Mensahe-Editorial:

PAMUNUAN ANG MASA, MANGAHAS PARA SA MADASIG NGA PAGSULONG SANG INAWAY BANWA!

(Mensahe sang Rehiyonal Komite nga Tagpatuman sang Partido Komunista - Negros sa okasyon nga ginasaulog sa kabilugan nga pungsod: ang Ika-33 nga Anibersaryo sang Partido Komunista sang Pilipinas)

Rebolusyonaryong panamyaw!

Ang mga komunistang kadre kag katapuan sa Negros, militante nga nagasaludo sa pagwagayway sang bandera sang Partido Komunista sang Pilipinas sa iya ika-33 anyos nga pagkatukod liwat sa idalom sang teoritikal nga ubay sang Marxismo-Leninismo-Maoismo. Isa ini ka dungganon nga adlaw agud saulugon ang mga kadalag-an sa banas sang pungsodnon-demokratikong rebolusyon upod ang pagtumod kag pagsikway sa mga kakulangan kag kahuyangan.



Ginapahayag man naton ang pagsaludo sa Komite Sentral kag Tagapangulo Armando Liwanag bangud sa ila dungganon nga pagpamuno sa pag-integrar sang Marxismo sa kongkretong praktika sang rebolusyong Pilipino sa atubang sang mabudlay kag komplikado nga banggianay sa sahi. Ginapasidungan man naton ang mga martir nga nagbuhis sang ila kabuhi para sa interes sang masa kag rebolusyon.

Sugod sang ginlunsar ang Ikaduha nga Dungganon nga Kahublagan Panadlong (IDKP), padayon ang pagsulong sang rebolusyonaryong kahublagan sa isla. Naga-akumular kita sang dugang nga pagdaku sang rebolusyonaryong kusog sang Partido, Hukbo kag baseng masa.

PANAWAGAN

Sa pagpauswag sang aton **PAGHIMAKAS**, ginapangabay sa tanan nga bumalasa sini nga mag-amot sang mga balita, *feature*, tula, kanta, kag iban pa nga sinulat. Ginapadangat man nga ang mga amot-sinulat mapadala sa ikatatlo nga bulan (Marso, Hunyo, Septyembre, Desyembre) sang kada kwarter. Nagapangayo man ini sang inyo mga suhestyon kag komentaryo paano pa gid ini pauswagon.

Ginapangabay man nga hatagan tum-ok sang talakayon nga kaundan ang tuhoy sa mga sinulat nga nagapaathag sa aton mga sandigan nga prinsipyo, mga kadalagan sang rebolusyonaryo nga paghimakas sang masa subong man ang paghublas sang mga pakuno-kuno sang reaksyunaryong gobyerno kag pasistang kaaway.

Mahimo nga ma-download ang mga isyu sang **PAGHIMAKAS** sa internet. Magkadto lang sa website sang NDF sa NDF@NDFP.cjb.net kag I-klik ang Regional Publications kag abrihan ang **PAGHIMAKAS**

Napanday ang mga kadre kag katapo sang Partido sa pagsabat sang mabug-at nga mga responsibilidad sa atubang sang mapintas nga mga atake sang AFP-PNP/RPA-ABB. Kag ini gina-timbangan sang napatuhaw nga linibo nga mga aktibistang masa.

May pagdaku sang armadong kusog sang Hukbo sang banwa. Natungdan sini ang nagapangunang papel sa pagsulong sang armadong paghimakas sa isa ka lebel, partikular ang buylo sang paglapnag sang gerilyang pagpakig-away.

Padayon ang pagdaku sang mga organisadong kusog sang pumuluyo labi na ang mga anak-balhas sa pagsulong sang inaway banwa sa pagpanguna sang armadong paghimakas sa kaumahan kag sang legal

nga paghimakas sa kasyudaran. May isa ka lebel sang pagkapundar ang malapad nga nagahiliugyon nga prente batok sa rehimen US-Estrada. Kag nabuksan ang oportunidad para sa dugang nga kusog sang pungsodnon demokratikong kahublagan kag batakon ini sa mas mataas nga lebel sa atubang sang rehimen US-Macapagal-Arroyo.

Sa pihak nga bahin daku pa ang panginahanglan sang konsolidasyon sa ideolohiya, pulitika kag organisasyon sa sulod sang Partido agud mapataas ang suhetibong ikasarang sang pagpamuno sini sa malapad nga masa. Samtang ginatipon naton ang mga kadalagan, nagakadapat man pamatukan kag isikway ang mga bara sa ideolohiya, pulitika kag organisasyon nga naga-apektar sang kakulangan sa madasig kag komprehensibong pagsulong sang rebolusyon.

Pasingkion ang Armadong Paghimakas sa Kaumhan.

Ginapursigi sang Partido ang linya sang malapnagon kag masinsin nga gerilyang pagpakig-away base sa nagadalom kag nagalapad nga baseng masa. Bangud sini, nagaangkon kita sang mga kadalagan kag naga-akumular sang dugang nga rebolusyonaryong kusog. Napaslawan ang 303rd Bde. Philippine Army kag PNP sang ila ambisyon nga wasakon ang mga

rebolusyonaryong pwersa sa Negros sa sulod sang isa ka tuig halin sa Abril 2000- Abril 2001. Subong, may gindihon na naman sila nga panibag-ong kampanya-militar.

Sa idalom sang absolutong pagpamuno sang Partido, ginapatuman sang Bag-ong Hukbo sang Banwa ang pagsulong sang armadong paghimakas sa kaumhan nga integrado sa pagtukod sang baseng masa kag agraryong rebolusyon. Nagalapad kag nagalig-on ang mga larangan gerilya.

Sa pihak nga bahin, kulang pa sang signipikante nga kapagsikon, kadasigon kag pagka-komprehensibo ang

pagsulong sang armado nga rebolusyonaryong kahublagan sa atubang sang paborable nga sitwasyon pangpulitika. Nabarahan kita sang konserbatismo nga amo ang nagapanguna kag indi pa napangibabawan. Ginapakita nga indi pa bastante ang natigayon nga konsolidasyon agud mahakos naton ang teorya, linya kag taktika sang inaway banwa.

Madinalag-on nga natigayon ang pagpalapad sang sakop sang mga larangan gerilya sa rehiyon. Bangud sini, may lebel sang pagsolbar sang kadelikadohan sang konstriksyon dulot sang kakitiron kag kagamayon sang mga larangan sadto halin sa mga konsentradong atake sang kaaway. Nangin basehan ini para sa paglapnag kag pagsingki sang gerilyang pakig-away sa isla.

Napanuguran naton ang inisyal nga momentum sang paglapnag sang mga taktikal nga opensiba batuk sa mga target nga kaaway. Nalunsar sang BHB ang 16 ka nagkalain-lain nga aksyon militar paagi sa pag-ambus, dis-arming, kompiskasyon kag pagsilot. Nagresulta ini sang pagkompiska naton sang pila ka mataas nga kalibre sang armas, madamo-damo nga manubo kag malip-ot nga kalibre sang armas, pagkapatay sang 30 ka kaaway kag sobra 30 nga pilason. Ang mabaskog nga bira sang BHB amo ang ambus sa Bulod, Himamaylan batok sa komposit nga strike force platoon sang 303rd Bde-PA kag ang ambus nga natabo sa Budlasan, Canlaon City batok nanday Undo kag Jessica Cardenas kag mga armed goons.

Napreserba ang kusog sang Hukbo kag iban nga rebolusyonaryong pwersa sa atubang sang wala-untat nga opensiba militar sang 303rd Bde-PA, PNP kag upod na pati ang RPA-ABB. Indi man naton malikawan ang mga kahalitan halin sa mga reyd, engkwentro kag espesyal nga operasyon sang kaaway.

Sa bahin sang BHB, may-ara 7 patay, 4 pilason, nakompiskahan man kita sang pila ka HPRs kag may nagkaladakkan.

Nagakadapat lamang nga ipursigi ang pagpataas sang ikasarang sang kumander kag mga tinawo tuhoy sa mga taktika kag teknika sang gerilyang pagpakig-away. Ipatigayon ang sigi-sigi nga teoritikal kag praktikal nga mga paghanas politiko-militar agud mapabaskog ang kompiyansa kag kahanason sa inaway.

Aton man ilatag ang malapad kag epektibo nga mga lambat-paniktik agud mahakos ang kahimtangan sang kaaway, matumod ang ila malig-on kag mahuyang nga bahin. Sandig sini, makapili kita sang madamo nga target sang taktikal nga opensiba.

Nagdaku ang armadong kusog sang hukbo sang 13 porsyento. Apang sa gihapon mahinay pa ini nga rekrutment base sa kalaparon sang organisadong masa kag mga aktibista sini sa kaumhan kag urban. Ang kinahanglanon lamang amo ang pagpataas sang ila kamuklatan pangpulitika, pagpapagsik sang kahublagan masa samtang ginaupod ang sistematikong plano sang rekrutment nga naga-imbolbar sang mga lokal nga organisasyon bilang sentro sang rekrutment.

Ginapadayon naton ang pagtukod sang mga reserbang pwersa paagi sa yunit milisya kag yunit pang-depensa sa kaugalingon. Apang mahinay ang pagdaku sini agud relatibo mabalanse sa nalab-ot nga kadakuon sang hukbo. Nagakadapat nga hatagan ini sang pagtamod paagi sa kongkreto nga plano, pagsubaybay kag pagtasa ukon pagsuma.

Padayon ang pagdaku sang baseng masa kag nagdugang 40 porsyento ang pagdaku sang organisadong kusog nga ginabug-os sang sektor sang mangunguma, kababayan-an, pamatan-on kag kabataan kag iban pa nga demokratikong sahi kag sektor. Mas malapad ang nalab-ot nga impluwensyadong pumuluyo nga nagalab-ot sang sobra 100,000 nga nagapakita sang ila nagkalain-lain



nga porma sang simpatiya, suporta kag pagpakigbahin sa rebolusyonaryong kahublagan.

May kahinayon pa man ang paglapad kag paglig-on sang mga organisasyon masa kag ang pagbatak sini sa lubos asosasyon masa. Kaangot sini, may panginahanglan ang paglunsar sang malapnagon nga mga paghanas tuhoy sa hilikuton masa sa lebel sang rehiyon, larangan kag sang inisyatiba sang taga ka yunit sang hilikuton masa. Dapat mangin maayo ang mga kadre, opisyal kag aktibista sa sulod kag gwa sang hukbo kaangot sa mga hilikuton SICA (Social Investigation Class Analysis), propaganda kag edukasyon, mga taktika kag metodo sang pag-organisa kag paglunsar sang kotra-pyudal nga paghimakas kag nagkalain-lain nga tipo sang mga kampanyang masa, produksyon, medikal kag iban pa.

Agud mangin madasig ang pagpalapnag kag pagtuon sang mga kursong masa, ipursigi naton ang pagtukod sang tipong mobayl nga eskwelahan sang PADEPA. Ini ginabug-os sang grupo sang mga instruktur nga naghalin sa istruktura sang hukbo kag lokal nga organisasyon. Lakip sang ila hilikuton amo ang paghanas sang madamo nga instruktur.

Sa pihak sang kalubhaon sang pyudal kag malapyudal nga pagpanghimulos sa kaumhan ginakulang pa kita sa paglunsar sang lapnagon kag madamuan nga mobilisasyon masa sa sakop munisipalidad, inter-munisipalidad, panglarangan kag rehiyunal nga sakop. Ang natigayon amo ang paisa-isa sa lebel sang barangay nga mga paghimakas agud panubuo ang arkila sang duta, pataason ang suhol kag panubuo ang usura. Mahinay pa man ang kampanya sa pagpauswag sang produksyon sang masa.

Ang natum-ukan sa paglunsar amo ang kampanya anti-militarisasyon kag anti-land grabbing base sa kahimtangan nga ini amo ang imedyet nga ginaatubang nga mga palaligban sang masa sa kaumhan.

Bangud ang sandigan nga isyu sang duta indi lang isyu sang mga organisadong masa sa sonang gerilya, ang kaaway sa sahi sa pagpanguna ni Cojuangco indi lang kaaway sang organisadong masa, gani, paborable nga matukod ang isa ka malapad kag mabaskog nga anti-pyudal nga nagahiliugyon nga prente. Kag ang taktika sang nagahiliugyon nga prente magpatigayon man sa pagpadasig sang madamuan nga pag-organisa kag sang lapnagon nga kahublagan.

Bangud sa nalambot nga lebel sang armadong paghimakas kag kahublagan masa, nagauswag man ang pagbuyok sa mga nahanungang pwera lakip na ang pagnyutralisa sa manggaranon nga mangunguma. Nagalapad pa gid ang alyansa sa madamo-damo nga isip sang agalon mayduta. Ang lebel sang impluwensya kag relasyon nagalab-ot indi lang sa sakop sang sonang gerilya kundi hasta na sa sulod sang sentrong banwa, sa sulod kag gwa sang yunit kag ahensya sang reaksyunaryong lokal nga gobyerno.

Ang Partido kag BHB magpursigi sa pagpalig-on kag pagpalapad sang pagpakig-alyansa sa nanuhay-tuhay nga grupo, organisasyon, institusyon kag indibidwal para isulong ang demokratikong rebolusyon sang banwa sa kabilugan kag sa subong nga pagpakig-away gerilya batok sa rehimen Macapagal-Arroyo kag lokal nga representante nga barkadang Cojuangco-Maranon-Arnaiz.

Mas nagatambok ang duta sa kaumhan para sa pagsingki sang gerilyang pagpakig-away. Ang mga masa handa mag-organisa kag madamo sang mga pamatan-on ang luyag na magboluntaryo sa pagpasakop sa hukbo sang banwa. Ang nagakadapat

Ang OPMAK sa Negros.

Asta lang
Abril 2001
ang CPP-NPA

OK! Good!



lamang amo ang pagpabaskog sang ikasarang sang pagpamuno sang Partido kag ang ikasarang pang-pulitiko-militar sang hukbo sa pagsulong sang armadong paghimakas.

Pabaskugon ang Rebolusyonaryong Kahublagan sa Kasyudaran.

Sa pagbukas sang tuig 2000, ang kalalaon sang sosyo-ekonomiko kag pulitikal nga krisis sang pungsod ginamanipestar diri sa Negros. Sa idalom sang rehimen US-Estrada, ang sitwasyon naghatag sang oportunidad para sa madasig kag komprehensibong pagsulong sang pungsodnon-demokratikong kahublagan-urban. Sa idalom sang nagbulos nga rehimen Macapagal-Arroyo, ang sitwasyon nangin mas paborable para sa pag-abanse.

Samtang ginapursigi ang hilikuton masa kag pag-organisa sa mga sandigan nga masa kag sektor sa mga sandigan nga lebel, nangin talalupangdon ang sang mga kampanyang paagi sa sunod-sunod kag dalagkuan nga mobilisasyon sang malapad nga pumuluyo sa pagpamatok kag pagprotesta batok sa naligwin nga rehimen tubtob napatalsik ini. Naipwesto ang pungsodnon-demokratikong analisis kag panawagan sa kasyudaran.

Kag ang mga progresibong organisasyon kag alyansa nakaangkon sang dugang nga prestihiyo bangud sang ila ginapakita nga inisyatiba kag determinasyon sa pagdala sang mga pungsodnon kag rehiyunal nga isyu kag panawagan. Subong, ara man ini sa unahan agud ipadayon ang paghimakas batok sa rehimen Macapagal-Arroyo.

Nagakadapat nga ang kapagsikon sang mga kampanyang masa, malaparan nga propaganda kag

alyansa, nabalanse ukon natumbasan man sa katulad nga kapagsikon sang pagpundar sang mga solidong kusog sang organisasyon masa sa mga sandigan nga lebel. Kag ini magresulta sang paglapad sang mga organisasyon masa kag pagpabaskog sang kahublagan masa.

Apang mas madalom ang kahuyangan sang konserbatismo sa kahublagan-urban kon ikumparar sa armadong kahublagan sa kaumhan. Sa pihak sang kalutuon sang sitwasyon para sa madamuan nga pag-organisa, halos namentinar lang gihapon ang daan nga isip sang baseng masa. Daku pa man ang panginahanglanon sa pagpataas sang ila kamuklatan pangpulitika kag paglunsar sang mga organisadong pangmasang aktibidad agud matukod ang masaligan nga pundasyon para sa anti-imperyalista kag anti-pasista nga kahublagan sa urban nga nagasuporta sa anti-pyudal nga kahublagan sang kaumhan.

Kulang pa sang signipikante nga pag-uswag ang pag-organisa sang mga sandigan nga masa kag sektor. Bangud sini, nagresulta ini sang kakulangan pa sang kalaparon kag kabaskugon sang pagsulong sang kahublagan masa sa urban. Nagakadapat nga tumuron kag isikway ang mga salin sang daan nga oryentasyon, taktika, metodo, kag teknika sa pagtungod sang hilikuton masa kag solidong pag-organisa nga indi na nagakasanto.

Hatagan sang nagakaigo nga tumok ang pag-angut kag pag-organisa sa hanay sang mga mamumugon sa nagkalain-lain nga linya sang industriya labi na ang mga estratehiko kag ginapanag-iyahan sang blokeng Cojuangco. Ang militante, tunay kag maki-pungsodnon nga unyon kag asosasyon amo ang magaserbi nila nga armas agud depensahan ang ila mga kinamatarung batok sa malubha nga pagpanghimulos kag pagpamigos sa kusog-pangabudlay samtang ginabatak ang ila kamuklatan pang-ideolohiya kag pangpulitika tuhay sa duha-ka-halintang sang rebolusyong Pilipino.

May pagrehistro sang relatibo nga maayo nga pagsulong ang pag-organisa sa kaumhan. Natukod liwat ang mga organisasyon masa sa mga lokalidad kag ini ang nagapakita sang kapagsik sa paglunsar sang mga paghimakas kag nakigbahin sa mga



kahublagan sa sentrong syudad. Apang dapat man padasigon sini ang pagpalapad kag pagpalig-on sa masangkad nga sakop labi na sa mga importanteng bahin sang isla.

Ang kahublagan sang imol nga taga-syudad relatibo malapad ang nalab-ot nga mga impluwensyadong masa agud makombertir bilang solido nga organisadong kusog sang mga malaproletaryado kag mga residenteng mamumugon sa komunidad. Talalupangdon ang kontribusyon sang transport drivers sa pagduso sang mga protesta kag strike sa pagparalisa sang ilig sang mga transportasyon sang 80%-95%. Daku pa ang ilagas sa pagtum-ok sang solidong pag-organisa agud matukod ang mga tsapter sang organisasyon ukon matransporma ang mga nagalungtad na.

Dapat pa gid man ipabuylo ang pag-organisa sang pamatan-on kag estudyante agud matukod ang mga organisasyon sa mga eskwelahan kag mga komunidad. Kulang pa sang pagka-talupangdon ang ila papel sa kahublagan propaganda sa pagsulong sang pungsodnon-demokratikong kahublagan masa.


Kinahanglan pa gid man ang pagpapagsik sa pag-organisa sang sektor sang kababayan-an kadungan sa pagpalig-on kag pagpalapad pa sang pagpakig-alyansa sa iban nga organisasyon, grupo kag institusyon sang kababayan-an.

Pabuyluhon pa man ang pag-organisa sa iban nga demokratikong sektor katulad sang mga manunudlo, empleyado, taong-simbahan, mamumugon sa ikaayong lawas kag iban pa nga sektor. Ang nagaluntad na nga organisasyon dapat pa gid man palig-unon sandig sa oryentasyon kag pagbalayon sang pungsodnon-demokratikong kahublagan, sa diin esensyal sini amo ang ila hugot nga pagpakig-angot kag pagsuporta sa mga sandigan nga kubay sang masa.

Samtang nangin relatibo nga maayo ang paglunsar sang mga koordinado, malaparan kag ikit-ikit nga kampanyang masa sa diin napahulag ang halin 3,000 tubtob sobra sa 20,000 ka pwersa batok sa rehimen US-Estrada, ang paglunsar sang mga lokal kag sektoral nga paghimakas masa para sa imedyet nga pang-ekonomiya kag demokratikong demanda, nagakakulang pa sang kapagsik. May pagka-ulih ang

pagpamuno sa malapad nga masa labi na ang mamumugon, mangunguma, mala-proletaryado para isulong ang ila mga lehitimong demanda.

Samtang ang nagapanguna nga porma sang ligal nga paghimakas sa urban amo ang pagpukaw, pag-organisa kag paglunsar sang mga aksyon masa, nagamit man ang arena sang elektoral nga paghimakas sang Mayo 2001 eleksyon pabor sa pungsodnon-demokratikong kahublagan. Naangkon ang pila ka kadalag-an para sa pagpasulong sang armadong paghimakas sa kaumhan, ligal nga kahublagan sa urban, kag nagahiliugyon nga prente. Sa pihak nga bahin, nagakadapat bantayan kag tadturon ang tendensya sang parlamentarismo. Dapat papagsikon ang konsolidasyon sang mga progresibong pwersa labi na ang sa elektoral nga makinarya kadungan sa pagtukod sang madasig nga ekspansyon bilang paghanda sa masunod pa nga burgis nga eleksyon.



kapagsikon sang ligal nga nagahiliugyon nga prente sandig sa pagbalayon nga anti-Estrada, sa kabilugan, kag anti-Cojuangco, sa partikular. Natukod ang nagkalain-lain nga kinaiya, lebel, porma sang relasyon, koordinasyon kag pagbuligay sa tunga sang pwersa sa "wala", nahanunga, kag tuo nga anti-Estrada kag anti-Cojuangco nga seksyon sang mga reaksyunaryo samtang ginamentinar ang polisiya nga

wala sang alyansa sa mga pwersa sang rebisyunistang traydor.


Ang progresibong alyansa kag kaalyado nga mga organisasyon sini amo ang nagapanguna sa pagpundar sang paghiliusa sa malapad nga pumuluyo, mga makipungsodnon kag patriyotiko. Nagaangkon ini sang malapad nga mga pakig-abyan, koneksyon kag relasyon agud pundaron ang malig-on nga nagahiliugyon nga prente. apang ang kakulangan pa sang paghiliusa tuhoy sa patakaran kag taktika sang nagahiliugyon nga prente nagresulta sang kakulangan sang maksimum nga pag-ani sang mga kadalag-an sa pagsulong sang nagahiliugyon nga prente sa konteksto sang pagsulong sang armadong paghimakas sa kaumhan kag sang ligal demokratikong kahublagan sa urban.

Sa idalum sang rehimen Macapagal-Arroyo kag nagapanguna nga lokal nga representante sang Cojuangco-Maranon-Arnaiz labi nga panginahanglanon sang masa ang hugot nga pagpamuno sang Partido agud isulong ang husto nga direksyon sang mas malapnagon kag mabaskog nga kahublagan masa nga katumbas sang 1985 ukon masobra pa. Kinahanglan lamang mag-ugat ang Partido sa malapad nga masa labi na sa mga linibo-libo ka katapuan indi lang sa sentrong syudad kundi sa iban pa nga kasyudaran kag kabanwahanan.

Pabaskugon ang pagpamuno sang Partido

Halos isa na ka dekada ang aton pagpursigi sa pagpalig-on kag pagpalapad sang Partido sa rehiyon sandig sa diwa sang IDKP. Kag sa proseso nagabaskog ang rehiyonal nga organisasyon nga ginabug-os sang mga kadre kag masang katapuan kag nagapursigi sa pag-angut sa malapad nga masa. Bangud ang mga kadre kag katapo sang Partido ginabug-os sang proletaryadong ideolohiya, ang aton organisasyon ginaubayan sang prinsipyo sang demokratikong sentralismo. Ang aton Partido bilang isa ka pangkabilugan nga organisasyon, may paghiliusa sa kaisipan kag buhat kag nagapamuno sa

General, ari pa ang RPA-ABB upda sa operasyon nyo. Ako bahala sa payroll nila.



malapad nga masa sa isa ka buhi-kamatayon nga paghimakas.

Sa kabilugan, ang mayoriya sang katapuan sang Partido nangin tampad sa mga sandigan nga prinsipyo, linya, disiplina kag sa pagtib-ong sang mga indibidwal nga katungdanan kag kinamatarung sandig sa Konstitusyon sini. Nangin dungganon ang ila mga kontribusyon sa pagsakdag sang mga hilikuton agud isulong ang rebolusyonaryong kahublagan sa isla sandig sa panawagan nga "padasigon kag komprehensibong isulong ang inaway banwa."

Indi pa nalab-ot ang target nga marka sang katapuan sang Partido apang relatibo nga daku na ini nga kusog agud matungdan ang nagkalain-lain nga patag kag linya sang hilikuton. Kon mapabaskog ang konsolidasyon sa hanay naton subong, linibo-libo ang kusog naton sa pila lamang ka bulan kon ibase sa linibo ka mga aktibista para sa potensyal nga rekrutment.

Paagi sa natukod nga mga sanga sang Partido sa lokalidad, ang Partido adlaw-adlaw nakaugat sa masa bangud ang mga kadre kag katapo nangin kabahin sang sosyo-ekonomiko kag pangpulitika nga kabuhi sang pumuluyo. Madasig nila makuha ang mga balatyagon kag interes sang mga masa kag mapamunuan ang rebolusyonaryong paghimakas. Apang may panginahanglan nga dugang ikonsolida ang natukod na nga mga sanga upod ang madasig nga pagpalapad sa lugar sang mga mamumugon, mangunguma, imol nga taga-syudad kag sa eskwelahan.

Tum-ukan man naton ang pagpabakod sang mga kadre. Nagakadapat pataason ang kapabilildad sa IPO kag mga partikular nga iskil sang taga-ka kadre sa nanuhay-tuhay nga lebel kag padasigon man ang pagpatuhaw sang bag-o. Ipatigayon naton ang mga

teoritikal kag praktikal nga paghanas. Ilunsar ang mga pagtuon sang kurso sang Partido, paghanas politiko-militar, pagtuon ukon paghimo sang mga pagsuma, partikular nga mga paghanas para sa linya sang hilikuton ukon sakop sini katulad sang hilikuton masa, medikal, kultural, SICA kag iban pa.

Kinahanglan pa gid palig-unon ang sistemang komite sa sulod sang Partido. Ang pila ka kahuyangan nga ginamanipestar sa nagkalain-lain nga bahin sang organisasyon naga-apektar sang pagsapraktika sang demokratikong sentralismo. May ara komite nga malawig na nga indi nakahiwat ukon nahim-os ang pulong para sa mas importante nga hambalanon. May-ara man komite nga sobra ka lawig ang panahon sa paghiwat sang mga pulong. May kakulangan sang madasig nga pagtuon sang mga praktikal nga sitwasyon, magpunpon sini kag makahimo sang mga pag-analisa kag nagakaigo nga ubay. Kulang man sang pagtungod ang Sekretaryat sa pagdumala sang hilikuton-edukasyon kag organisasyon kag iban pa nga hilikuton nga ginatugyan sang komite. May pagluntad man sang problema sang dokumentasyon sang pagsuma kag mga resulta sang plenum ukon miting sang komite. May-ara man sang pagsinamo sa buluhaton kag tulumanon sang KT kag KH.

Sa pihak sang grabe nga pagpang-atake sang kaaway batok sa Partido halin sang 2000-2001, napreserba ang kusog sini. Resulta ini sang pag-adoptar naton sang sekreto nga paghulag kag latag sang aton likom nga kahublagan kag iban pa nga pagsulundan sang seguridad. Sa pihak nga bahin, padayon pa ang pagluntad sang madamo nga buslot sang seguridad agud isabotahe kag halitan sang kaaway ang Partido lakip na ang hukbo kag organisasyon masa. Dapat seryoso nga ipatuman ang sandigan nga oryentasyon, patakaran kag SOP sang seguridad agud mangin bulag kag bungol ang kaaway.

Kinahanglan pa gid man nga malig-on nga itib-ong kag ipatuman ang paghimakas para sa pagtindog sang

kaugalingon sa pinansya kag ekonomiya sa tagsa ka bahin kag sakop sang rehiyunal nga organisasyon. May lebel na sang pagsulong ang armadong paghimakas sa kaumhan kag ang ligal nga kahublagan-urban. Kinahanglan na lang mapapino ang aton kongkreto nga plano kag mapatuman agud patuhawon ang mga kinahanglanon sang Partido halin sa tuburan sang mga kadalag-an sang masa kag armadong paghimakas.

Ang nalab-ot nga pag-uswag sang pang-ideolohiya nga pundasyon sa sulod sang Partido amo ang magapaseguro sang pagpalig-on sang organisasyon kag sang padayon nga pagsulong sang rebolusyonaryong kahublagan. Ginapursigi naton ang nagkalain-lain nga patag sang hilikuton sa pagtuon sang mga kurso, pagsuma, pagsaway kag pagsaway-sa-kaugalingon, pagbalay sang mga programa kag patakaran, paghimo sang SICA agud magauswag ang aton kinaalam sang Marxismo.

Pagkatapos sang Dedlayn nga Abril, 2001



Sa pihak nga bahin, ginamanipestar man gihapon ang mga paghalog sang konsolidasyon sa sulod sang Partido. Sa patag sang pulitika, ginapakita ini sang kakulangan sang kadasigon kag kabaskugon sa pagsulong sang armadong paghimakas sa kaumhan kag sang ligal nga kahublagan masa sa urban. Sa patag sang organisasyon, ginamanipestar ini sa nagkalain-lain nga porma sang impluwensya sang burukratismo, ultra-demokrasya, sektaryanismo, liberalismo kag iban pa nga tipo sang indibidwalismo nga mag-ut-ot sang paghiliusa sang organisasyon.

Padayon nga ginalunsar ang kampanya sang mga pagtuon sang BKP kag IKP. Apang madamo-damo pa gid ang indi nakakuha partikular sa sakop sang mga sanga sang Partido sa lokalidad kag sa sakop sang urban. Nagakadapat hugton ang superbisyon sang KH sa hilikuton sa edukasyon agud masolbar ang pila ka palaligban sang estilo sang instruksyon, problema sang mga kinahanglanon nga bulig-pagtuon kag iban pa nga ubay, paghanas sang madamo nga instruktur, problema sang kakulangan sang teksto.

Sa bahin sang pangkabilogan nga pagsuma sa rehiyon, indi pa nahim-os ang dokumento sini agud pinal nga maaprobahan sang pungsodnon nga sentro kag mapalapnag ang masinsin nga pagtuon. Gani halos nagapabilin ang paggamit sang awtlayn nga porma para sa ginalunsar nga talakayan kag pagtuon. Ang iban nga intermedyang organo nagpatigayon man sang pagsuma sang nasakupan nga inagihan apang indi pa nakompleto sang paghim-os.

Ang kakulangan naton sini nga importante nga patag sang hilikuton, nagresulta sang kakulang sang maligon nga paghiliusa sang mga kadre kag katapo sa pagugut sang mga buhi nga leksyon sang nagligad nga inagihan kag eksperyensya. Gani, nagabalik-balik ang mga manipestasyon sang daan nga mga kasaypanan sa mga sandigan nga prinsipyo kag linya sang Partido.

Ang pang-ideolohiya nga konsolidasyon sang Partido indi isa ka matawhay ukon malinong nga paghiliusa sang mga ginatun-an nga dogma. Ang konsolidasyon pang-ideolohiya matigayon paagi sa banggianay sang mga ideya sa tunga sang husto kag sayop sa sulod sang Partido agud sapulon ang mga kongkretong bagay kag sa pagsaway kag pagsaway-sa-kaugalingon. Ang pagsaway kag pagsaway-sa-kaugalingon isa ka armas agud tadlungon ang kasaypanan, kakulangan sa sulod sang Partido para matigayon ang maayo nga resulta sang hilikuton.

Sa pihak nga bahin, may-ara bahin sang

Mga wala pulos!
Mag-retire ka na
general. Mga soldado
nga Kano na ipadala
ko di!!!!

yunit kag katapo sang Partido nga kulang sang katampad kag indi husto nga aktitud tuhoy sa banggianay sang mga ideya kag sang pagsaway kag pagsaway-sa-kaugalingon. Makit-an ini sang pila ka mga manipestasyon katulad sang:

1. Indi prinsipyado nga pagdala sang banggianay sang mga ideya ukon paglikaw sang banggianay sang mga ideya;

2. Ang mga reserbasyon kag mga tuhay nga ideya ginalipod sa iban nga mga pwera sa diin gwa na sa proseso sang disiplina sang demokratikong sentralismo;

3. Pabalik-balik nga kahuyangan kag kasaypanan sa pihak sang wala untat nga pagpaabot sang edukasyon kag pagsaway kag pagsaway-sa-kaugalingon upod na ang tikang-panadlong kag may-ara pila ka kaupod nga bisan nahibal-an na niya nga sayop, padayon gihapon ang paghimo sang sini nga bagay; kag iban pa.


Ang taga ka komunista sa Negros dapat mangin muklat sa pagpalig-on sang paghiliusa sa sulod sang Partido sa ideolohiya, pulitika kag organisasyon. Dapat ang Partido mangin malig-on kag makahas sa pagangot kag pag-ugat sa pinakamalapad nga masa kag isulong ang armado nga rebolusyonaryong paghimakas sa mas mataas nga lebel batok sa rehimen US-Macapagal-Arroyo kag barkadang Cojuangco-Maranon-Arnaiz.

Mabuhay ang ika-33 Anibersaryo sang Partido!

Ka Diego Dagohoy
Regional Executive Committee
Communist Party of the Philippines

Negros Island


Dec. 26, 2001



OPMAK nangin PALPAK!

HINGALITAN ANG TUMAN KA PABORABLE NGA KAHIMTANGAN PARA SA MADASIG NGA PAGPABASKOG SANG REBOLUSYONARYO NGA KUSOG

Nagasarorot ang ekonomiya. Kinamugay naman sa pulitika ang mga nagahari nga sahi. Mas nagalala ang krisis kag ginamo samtang nagagamay ang kihad sang tinapay. Ini ang dagway sang Negros nga indi na mamaskarahan. Dapat lamang nga panginpuslan sang tanan nga rebolusyonaryo nga pwera ang ining



paborable nga sitwasyon para makatipon sang solidong kusog.

Kahimtangan sa Ekonomiya

Wala sang paraiso nga padulungan ang ekonomiya sang Negros. Higot ini sa nagahuyango nga malakolonyal-malapyudal nga nagaharing sistema sa pungsod. Ining paghuyango bunga sang pagkagapos sa pangkalibutan nga

sistemang kapitalismo nga naga-atubang karon sa grabe nga krisis dulot sang sobra nga produksyon kag pagkitid sang merkado. Sa idalum sang mapangwasak nga

imperyalistang globalisasyon, sa polisiya sini nga liberalisasyon, deregulasyon kag pribatisasyon madasig nga nagakapugday ang ekonomiya. Indi makaluwas diri ang industriya sang kalamay, ang timon-ekonomiya sang Negros.

Ang indi pagtigayon sang ginpromisa nga P50 Bilyon nga *safety net fund* para mangin kompetitibo sa kalibutan ang produksyon sang kalamay sang

Pilipinas, labi lamang nga nagpabor sa mga dalagku nga burgesya-komprador nga amo ang nagakontrolar sa import-eksport sang kalamay nga magkamol sang tuman ka dako nga ganansya. Ang 1.8 milyon ka metriko tonelada nga produksyon sang kalamay sadtong 1996, sang 2000, naglabot na lamang ini sa 1.5 milyon. Gani naapektuhan sini ang halos mono-crop sa kalamay nga kinaiya sang produksyon sa Negros diin mga katunga sang pungsodnon nga produksyon sangkalamay ari diri. Tuman kadako ang ginaganansya sang mga dalagku nga komprador-burgesya sa pagtodo-larga sang liberalisasyon sa importasyon sang kalamay nga nagabalor lang sa P400.00-P600.00 kada LKG. (singkuenta kilos). Bisan ibaligya nila ini sa tuman ka nubo sa domestik nga merkado, dako man gihapon ang ila ganansya. Gani, sa kahadlok sang lokal nga plantadores nga magbarato ang domestik nga presyo, ginduso sang CONFED ang SRA nga magdesisyon nga ang presyo sang kalamay indi

magnubo sa P800.00 kag indi man magtaas sa P950.00 kada LKG. Ini isa ka kongkreto nga dagway sang kolaborasyon sang mga nagahari nga sahi kag mga ahensya sang gobyerno agud labi nila nga himuslan ang pumuluyong Pilipino.

Ang mga mamumugon sa industriya sang kalamay ang labi nga nahalitan sang import-liberalisasyon. Agud mapahagan-

hagan ang paggamay sang ila kita bunga sang pagnubo sang domestik nga presyo sang kalamay, ang mga asyendero nagapamuhin sang mga mamumugon kag ginapagamay ang ila mga benepisyo. Sa pagninit sang palamugnan, ang mga mamumugon nagakapilitan nga mag-obra sa manubo nga sweldo --- dugang pa gid nga halit sa sahing mamumugon kag malapad nga masang anak-balhas.

SA KAUMHAN SANG NEGROS, lapnagon ang paggamay ukon pagkadula sang dutang pangabuhian sang mangunguma kag rekonsentrasyon sang duta sa pila ka agalong mayduta. Isa sang mga kabangdanan amo ang paltik nga reporma sa duta. Madamuan nga ginapangbawi ukon wala ginakilala ang CLOAs, CLTs, EPs sa simple nga rason nga ang agalon mayduta wala pa mabayaran sang bangko ukon wala pa makabayad ang mangunguma sa Land Bank. Madamo man ang mga kaso nga sa diin ang duta gina-VOS (Voluntary Offer to Sale) sang agalon mayduta, pasudlan sang mga tinawo sang RPA-ABB kag ni Eduardo

Cojuangco Jr. (ECJ), pahalimon ang mga daan nga mangunguma ukon mamumugon sa uma, kag tukuron ang kooperatiba nga ginadumalahan kag kontrolado ni

Kilala sa sini nga programa ang mga IFMA (Integrated Forest Management Agreement), SIFMA (Socialized Integrated Forest Management Agreement) kag CBFMA

(Community-Based Forest Management Agreement). Sa sini nga programa, lapnagon nga pagpatalang ang ginagamit sang kontra-pumuluyo nga ahensya sa pagkolaborar sang mga lokal nga kontraktors; daku kuno ang mabaton sang mga mangunguma sa pagtanum sang mga kahoy, kag indi madula ang ila dutang palangabuhian. Apang kabaliskaran sini ang aktwal nga mga hitabo. Madamo nga mangunguma ang wala nakabaton sang suhol sang ila pagtanum sandig sang ginkasugtan kag sa subong nga dalagku na ang kahoy nga ila gintan, indi na nila matanog ang kahoy kag duta kay kuno na public forestal land kag indi dapat gulon sang sin-o man nga pribado nga indibidwal.

Kon gamay ang sweldo, magbawal minahan sa sang galunggong (marot). Madamo na ang maka-on, pati ang bukog.- Cory

"P18,450.00 sa tagsa ka Negrense.... may Tsansa pa nga mangin Milyonaryo!"

Ini ang pabugal ni anay Gob. Rafael Coscolluela sang Disyembre, 1998. Suno ini sa pagtuon sang iya mga eksperto kon pagatunga-on sa tagsa ka pumuluyo sang probinsya ang P44.24 Bilyon nga neto nga balor sang Negros Occidental matapos maiban ang utang sini nga P4.5 Bilyon. Kon idugang pa gid ang wala pa makalkal nga manggad sang probinsya kag lubos nga magamit ang dunang manggad sini, mangin milyonaryo ang tagsa ka Negrense.

"Apang kon manggaran ang probinsya ngaa madamo sang imol? 73.3% sang 2.4 milyon nga populasyon sang probinsya ang nagapangabuhi sa idalum sang kurit sang kaimulon."nagalibog nga dugang niya.

Solusyon ni Coscolluela? Ibaligya ang mga pampubliko nga propyedad sang probinsya kag iabri-sakang ang ekonomiya sang ista sa mga dumuluong kag lokal nga mga imbestor.


Kahibalo bala kamo?

Resulta: Milyon-milyon sa grupo niya, lubong sa utang ang isa ka bilyon ka tawo ang ginagutom kag malapad nga masa. kulang sang nutrisyon sa mga atrasado nga pungsod.

Ang tatlo ka pinakamanggaranon nga upisyal sang Microsoft may manggad nga katupong sang pungsodnon nga kita sang 43 ka atrasado nga pungsod kag 600 ka milyon nga populasyon sini.

ECJ sa idalum sang iya comparative scheme.

Linibo man ka ektarya ang nagakadula sa mangunguma bangud sa maki-imperyalista nga programa sang reforestation.



PAANO MABUHI KATAPUSAN NGA MGA PAPET NGA

masang mangunguma. Kilala sang daan nga nagalungtad ang Maricalum Mining, Philex Mining, LEPANTO kag CDCP sa Basay, Negros Oriental, wala labot sa pila sang mga bag-uhan nga mga naga-aplay pareho sang Western Mining Corporation, Selenga Mines, kag iban pa. Linibo ka ektarya sang kadutaan nga ginapalangabuhian sang masang mangunguma ang direkta nga nagakalaguba bangud sa pag-ukay sa duta para makuha ang mina sa sistemang "open-pit". Ginatos man ka ektarya sang talamnan kag umahan ang nagakalaguba sa ilig sang "tailings pond" nga nag-awas sa mga sapa kag suba. Wala pa ini labot sa linibo ka ektarya nga posible dugang nga gubaon sa panahon nga marusdak ang "tailing ponds". Pati palangabuhian sang mangingisda sa sapa, suba kag kadagatan nagakaapektuhan sang pagkapatay sang mga isda bangud sa gina-ilig nga kemikal kag awas sang "tailing".

Pinakadaku nga indibidwal nga manug-langgrab sang duta sa magagmay nga agalon mayduta, tubtob sa magagmay nga mangunguma amo si PACMAN Eduardo "Danding" Cojuangco Jr.(ECJ). Gingamit ang iya mabaskog nga impluwensya sa USMAR, mga kontra-pumuluyo nga ahensya sang reaksyunaryo nga gobyerno kag sa binayaran nga armadong kontra-rebolusyonaryong grupo sang RPA-ABB, ginapahalin ang mga agsador ukon mamumugon sang magagmay nga agalon mayduta.

Ginapilit ang mga

Kon mahal na ang galunggong, asin na lang mas damo pa gid ang makaon. Pilion ang iodized nga asin nga may tatak nga FIDEL.-FVR

magagmay nga agalon mayduta nga i-VOS ang ila duta, himuon nga mga kooperatiba sang mga tinawo nga ginpasulod sang RPA-ABB, papinansyahan sa Land Bank ang kooperatiba nga ginadumalahan kag kontrolado ni ECJ diin ang mga katapo nga mangunguma sa kooperatiba may bahin kuno sang ganansya sang kooperatiba nga sa aktwal nga praktika, wala man nagatupa kay wala kuno sang ganansya. Si ECJ ang pinakadaku nga agalon mayduta kag nagakontrolar sang pinakamalapad nga dutang palangabuhian. Sa Norte nga bahin sang Negros, sa mga dulunan sang Don Salvador Benedicto, San Carlos City, Bago City, Murcia, Escalante City kag Calatrava makita ang malapad nga plantasyon sang mais kag cassava nga naglab-ot sa mga 4,000 ektaryas. May-ara man sang malapad nga plantasyon sa CHICKS area sang mais kag cassava nga naglab-ot sa 5,000 ektaryas. Sa Central Negros, gintransporma ang 1,328 ektaryas nga mangin prutasan kag hardin, kag nagapamakal pa sang mga kaingod nga kadutaan para palaparon pa ini.

Sus, insultuhon nyo pa ang "masa" kay indi kamo para sa "masa". Ang dapat sa krisis, magtaya sa jai-alai o dobol. Ang piso nyo mangin libo-libo. Kon indi ka magdaug subong basi sa dason. Kon magdaug may litson ka na may pang-shabu pa. --ERAP.

Ginakumbinser niya ang kaangay niya nga dalagku nga agalon mayduta pareho nanday Mike Arroyo, bana sang Presidente sang Pilipinas, sa pagsunod sa "corporate scheme".

SA KASYUDARAN, lapnagon ang kakulang kag pagkaladula sang palamugnan kag iban pa nga palangabuhian bangud sa madata nga retrenchment, casualization, labor-only contracting kag iban pa nga porma sa pagpatuman sang "labor flexibility scheme". Madamo nga mga mamumugon ang nadulaan sang ubra sa nagpanira ang sentrales sang kalamay pareho sang San Carlos Milling Company Inc, Sunnix Manufacturing Corporation Central. Ang Azucarera de Bais, kag iban pa temporaryo man nga nagsira. Madamo man nga mga mamumugon sadto sang Maricalum Mining Corporation ang nagadalang-dalang pangita sang matrabahuan ukon palangitan-an bangud sang pagsira sini.

Dugang nga pabug-at sa palangabuhian sang malapad nga pumuluyo, ilabi na ang taga-urban amo ang pagtaas sang presyo sang sandigan nga balaklon kaangay sang bugas, gatas, kag iban pa. Dugang man sa galastuhan ang pagtaas sa balayran sang kuryente bangud sa pagpatong sang PPA (Power Purchase Adjustment) nga amo-amo man ang kantidad sa balayran sa aktwal nga konsumo. Dugang man nga halit sa taga-urban ang pagtaas sa balayran sang tubig agud kuno may ibayad ang BACIWA sa utang nga nagalab-ot na sa P600 milyon halin sa P537 milyon.

Ang madugay na nga puraot nga pagpangabuhi sang imol nga taga-syudad labi pa nga naglala s pagpatuman sang City Development Plan. Naapektuhan man sila sa pagsaylo sang ila puluy-an palayo sa ila matag-adlaw nga palangitan-an sa syudad, ilabi na ang nagakabuhi sa pantalan ukon dulungkaan sa pier. Amo ini ang kongkreto nga nagakalatabo sa mga imol nga taga-syudad sang Brgy. Banago sa Bacolod nga sa diin ginsaylo sa Handumanan kag sa Brgy. Looc sa Dumaguete nga ginsaylo man sa Kadawinonan. Bangud sa pagsaylo sang ila puluy-an, may dugang na sila nga galastuhan sa plete nga naglab-ot sa P16.00 tubtob P24.00 sa isa ka round trip

Ang maka-solbar sa krisis sa ekonomiya indi byuda nga majongera, indi heneral kag labaw sa tanan indi artista nga sugarol. Dapat isa ka ekonomista kaangay ko. Ginapangabay ko ang tanan nga magsulat sang inyo problema kag demanda sa baroto nga papel kag ipaanod sa suba sang Pasig. Piho makuha kag mabasa ko ina kay malabay gid ina sa Malacanang--- GMA

sa kada tawo sa tagsa ka adlaw para makapamugon man gihapon sa daan nga palangitan-an sa pantalan.

Apektado man ang sahing petiburgesya sa pagnubo sang ila palangabuhian, ilabi na sa pribado nga eskwelahan, matalupangdan ang paggamay sang isip sang estudyante bangud sa padayon nga pagtaas sa balayran sa bulothoan nga nagalab-ot sa 15%

kada tuig. Pati ang



pribado kag pangpubliko nga mga empleyado wala makaeskapo sa malaot nga epekto sang pagtaas sang presyo sang mga nagapanguna nga balaklon, pagsaka sang sukot sa buhis, kuryente kag tubig. Nangin bulnerable ang ila kahimtangan sa pagpang-abuso sang ila empleyador, ilabi na kon indi unyonisado, ukon nagalungtad ang dalag nga unyon, bangud madamo sang wala sang obra nga pwede igabulos sa ila kun ini sila magreklamo, gani ara pirme ang pagpamahog sa seguridad sang ila pagpang-empleyo ukon pagpamugon.

Kahimtangan sa Pulitika

Ang Bloking Cojuangco-Maranon-Arnaiz amo ang panguna

Maam, maam, may baroto nga papel nga nagdungka!!!-PSG

nagarepresentar sa nagahari nga sahi sa isla sang Negros. Sila ang nakakonsolida sang

nagligad nga eleksyon kag amo subong ang nagakontrolar sa makinarya sang reaksyunaryo nga estado agud pangapinan kag suportahon ang ila pang-ekonomiya kag pampulitika nga interes sa Negros.


Sa Negros Occidental, magluwas kay Congressman Jun Lozada (Lakas-NUCD) kag Congressman Monico Puntebella (Independent), ang halos tanan nga nagdalaog nga Congressman kandidato ukon suportado ni ECJ. Isa lang sa Sanggunian Panglalawigan ang indi suportado ni ECJ. Sa 32 ka nagdalaug nga Mayor, 9 lang ang indi niya suportado.

Sa Negros Oriental, suportado man niya sang nagligad nga eleksyon ang mga kandidato sang NPC (Arnaiz, Macias, Perdices) kag Lakas-NUCD (Paras-Teves nga pareho nagdalaog kag amo subong ang nagauyat sang renda sang panggobyerno diri nga probinsiya.

Si Governor Joseph Maranon sang Negros Occidental, sa temprano pa lang nagathag na sang iya kontra-pumuluyo nga kinaiya sang pagapin niya kay Dr. Hinolan sa Valladolid Hospital nga pahito agud magamit ang pangpubliko nga kagamitan sang gobyerno para sa iya personal nga interes. Ginhimutig man niya ang una niya nga ginhambal agud nga wala siya sang ginapaboran sa iya pagpahalina sa daan nga mga empleyado agud i-pwesto ang iya nga tinawo. Ang iya islogan nga "Beyond the Basics" wala sang iban nga kahulugan kundi suportahon ang anuman nga plano ni Cojuangco sa paghugakom sang panginabuhian sa Negros pareho sang pagtukod sang mga taytay, paghimo sang mga dalan padulong sa mga corporate farms ni Cojuangco, tukod pantalan, himo airport agud magamit ni ECJ sa iya export-import nga negosyo.

Si Governor George Arnaiz sang Negros Oriental naman, naghublas sa kaugalingon nga kontra-pumuluyo nga kinaiya sa iya pagpabor sa Peace Agreement sang GRP kag RPA-ABB, sa iya pagupod sa "one-island region" nga plano kag sa madamo pa nga isyu nga nagahlit sa pumuluyo.

Nagalungtad pa gihapon ang armado kag indi armado nga grupo sang rebisyunistang traydor. Apang padayon sila nga nagagamay bangud madamo ang nagpalahuway kag sige



man gihapon ang biakay sa hanay nila.

Ang RPA-ABB, halin sa ila pagkapaslaw sa ila anti-Partido nga kampanya sang demolisyon, subong nasuyop na sang reaksyunaryong estado. Nagaupod na ini sa mga Joint Operation batok sa rebolusyonaryo nga pwersa sa aktwal nga operasyon militar kag hilikutong paniktik. Daw mga "supercop" nga pwede mangdakop ukon mang-reyd bisan wala pa sang warrant of arrest sang reaksyunaryo nga korte. Kag nagaserbi man nga "special police" ni Nehemias dela Cruz, sadto mayor sang Don Salvador Benedicto. Ginahimo man sila mga "private goons" ni ECJ.

Ang isa ka grupo sang rebisyunistang traydor, indi armado apang amo ang nagakontrolar sa dako nga negosyo nga ila gintangag sa sila nagsipak sa Partido. Sa pagpanguna nanday Geanga, Etabag, Mugar, ginpadalagan nila ang Alter Trade Corporation nga daw kaangay nga

ila pribado nga korporasyon ginamit ang ngalan sang mga organisasyon sang pumuluyo agud makapanginto sa mga dumuluong nga ginagatasan nila. Ginagamit pa nila ang mga institusyon sang reaksyunaryong gobyerno agud mapangapinan ang ila paghugakom sang daku nga kantidad nga dapat kuntani magakadto sa pumuluyo ilabi na ang mga mamumugon kag mangunguma nga ila ginakapital sa dumuluong.

Magamay apang magahod kag nakapanggamo man ang rebolusyonaryong Hukbo sang Banwa (RHB). Nakakuha sila sang atensyon sang pulis kag Army bangud, magluwas nga liberal kag daw sibilyan kon maghulag, pirme lang masundan sang kaaway, nagapang-hold-up pa, gani pati sibilyan nakakilala sang ila kalain. Halin sa apat, tatlo na lang ka batalyon ang nabilin sa Negros sang ginsaylo ang 11th IB sa Mindanao para magbulig sa 12 ka batalyon nga ato na didto para magdakop sa Abu Sayyaf. Mabalik ini Enero, 2002. Mas konsentrasyon nila subong amo ang intel work kag BIN building. Mas ginalarga subong ang dalagkoan nga operasyon kun ang target amo ang rehiyonal nga sentro sang pamunoan sang rebolusyonaryo nga kahublagan sa Negros paagi sa koordinado nga pagpahulag sang mga batalyon nga ari diri. Ang padayon nga nagalala nga krisis sa ekonomiya kag pulitika sa malakolonyal kag malapyudal nga nagaharing sistema nagatulod lamang sa malapad nga masa sa madasig nga pagkabugtaw sa

kamatuoran nga wala sila sang malauman nga maaliwanay nga bwad-damag sa idalum sang USMAR ukon ano pa man nga reaksyunaryong rehimen nga magbulos diri. Mas mahapos nga maathag sa ila nga ang rebolusyonaryong banas lamang ang magadala sa ila sang bugana kag malinong nga sosyedad. Gani, labi nga papagsikon ang aton pagpukaw, pag-organisa kag

pagpahulag sa masa para sa mas madasig nga pagsulong sang Demokratikong Rebolusyon sang Banwa.

###

RPA-ABB kag GRP nga Kasugtanan Ginapakamalaot!

"Indi makatilingala kon nga-a puno sang pagkondenar sang halos tanan nga sektor ang PEKE nga kasugtanan, bangud ang kaundan sini wala nagaserbi sa interes sang pumuluyo kundi nagapabor lamang sa interes sang Dalagku nga Agalon Mayduta kag Dalagku nga Komprador-Burgesya sa

Negros ilabi na sa interes Eduardo "Danding" Cojuangco Jr. (ECJ). Ang GRP naga-istorya lamang sa kugalingon sini nga landong.", ini ang pahayag ni Ka Diego Daguhoy, tigpamababa sang Partido Komunista sa Isla sang Negros.



Sa pihak nga bahin, pahayag ni Daguhoy, "mainiton nga gina-apresyar kag ginadayaw sang rebolusyonaryo nga kahublagan kag pumuluyo sa Negros ang patriyotiko kag maki-pumuluyo nga panindugan sang mga progresibo nga sektor, grupo kag indibidwal agud itib-ong ang interes sang pumuluyo batok sa bogus, maka-isahanon nga "peace agreement" konsesyon kag akomodasyon sang RPA para sa pagsakdag sang pagpalapad kag pagmonopolyo sa duta ni Cojuangco kag dugang nga proteksyon sa iya negosyo, ang P500 milyon nga "integration fund" magakadto lamang ini sa pagmentina kag pagpinansya sang "corporative scheme" kag proyekto ni ECJ nga karon amo ang ginapugaran sang RPA.

"Sa kaumhan indi na matago ang pag-inupdanay sang militar/PNP kag RPA sa kombat operasyon, paniktik kag psywar nga operasyon batok sa

rebolusyonaryong pwersa kag pumuluyo sa kaumhan." Sa sini nga basehan, siling ni Ka Diego, "indi lang renegotasyon kag repormulasyon ang mangin tindog sang pumuluyo kundi ang lubos nga pagbasura sini" bangud suno pa gid niya, "sa kamatuoran, ang GRP kag

RPA-ABB nga kasugtanan wala nagatalakay sang matuod-tuod nga problema kag solusyon sa palaligban sang pumuluyo ilabi na sang mangunguma kag mamumugon."

"Ang renegotasyon kag repormulasyon pareho nga linya sang panindugan nga nagakilala sang pagkalehitimo sang RPA-ABB, apang sa pagkamatuod, ang RPA-ABB madugay na nga nagbuya sa rebolusyonaryong kawsa sang pumuluyo kag nangin instrumento na sang reaksyunaryong gobyerno kag Komprador-Agalon Mayduta. Ang RPA-ABB simple nga isa na lang ka armadong 'goons' kag nagaalagad sa Komprador-Agalon Mayduta katulad ni Cojuangco, kag ginagamit sang AFP. Lain sa panindugan sang CPP-NPA/NDF, ang "Peace Negotiations" dapat magatandog sa ugat sang gyera sibil kag nagasabat sa lehetimo nga demanda sang pumuluyo; duta, serbisyo-sosyal kag palangabuhian."

"Ang rebolusyonaryo nga pwersa nagalapta kag naga-organisa sa bug-os nga pungsod, nagalunsar sang gyera-sibil para sa pulitikal nga kahalwayan kag kaayuhan sa pangabuhian sang pumuluyo ilabi na ang masang mangunguma kag

Hisa ka lang kay may P500 milyon kami. Siling lang nga mangayo ka. Pila kabilog asawa mo haw?

mamumugon batok sa mahimuslanon nga nagaharing sistema sang imperyalismo, pyudalismo kag burukrata kapitalismo; nagalunsar sang inaway banwa agud pukanon ang paghari sang komprador-burgesya-Agalon mayduta; may maathag nga rebolusyonaryong prinsipyo kag programa para isulong ang partisipasyon kag suporta sang malapad nga masa."

Dugang pa niya, "Ang rebolusyonaryong pwersa indi magalawig kon wala ang suporta sang pumuluyo, bangud ang rebolusyonaryong kahublagan

naga-representar sa pumuluyo, ang NPA nagaangkon sang kusog sa bug-os nga pungsod."

Sa pihak nga bahin, suno kay Ka Diego, "Sayop tulukon nga ang NPA separado sa pumuluyo, ang rebolusyonaryong

kahublagan kag ang NPA indi mabun-ag kon wala sang makasahi nga pagpanghimulos kag pagpamigos sang agalon mayduta kag dalagku nga komprador-burgesya sa pumuluyo. Ang nagahari nga sahi nagagamit sang armadong kusog sang estado agud ipabilin ang ila paghari kag pagpamigos sa pumuluyo sang ila demokratiko nga kinamatarung."

"Kaangay sang reaksyunaryong gobyerno, may-ara sila sang reaksyunaryo nga armado kag pulis kag ang pumuluyo nagakadapat nga may kaugalingon man nga armadong kusog nga ginarepresentahan sang NPA agud magapangapin sang ila kinamatarung kag maglunsar sang rebolusyonaryong gyera. Kita nagapati nga kon wala sang armadong pwersa ang pumuluyo wala kusog ang pumuluyo sa ila paghimakas para sa duta, trabaho kag matarung nga palangabuhian; ang pumuluyo wala sang kusog kon wala siya sang armadong pwersa para atubangon ang pang-atake sang AFP/PNP kag armadong goons'."

"Ang balayon sang GRP para sa Peace Talks amo ang pag-dis-arma agud malab-ot ang kalinong. Aplikable lamang ini sa RPA-ABB kag Abu Sayaff nga lunsay mga armadong goons kag gangster, nga kon idapat ini sa rebolusyonaryong pwersa pareho lang nga ginsurender ang rebolusyonaryong kawasa sang pumuluyo."

"DAYAWON ANG NAGABASKOG NGA REBOLUSYONARYO NGA PWERSA KAG ANG PAGBUTYOG SANG KAHUBLAGAN MASA"

Ini ang pangbukas nga pahayag ni **Kaupod Armado Liwanag** kag titulo sa iya mensahe sa ika-33 nga pagsukat sang natukod-liwat nga Partido Komunista sang Pilipinas (PKP), sang Disyembre 26, 2001.



"Agud malab-ot ang tunay, makatarungan kag mabinungahon nga kalinong, ang 'peace talks' dapat nakabase sa prinsipyo sang mutual nga kasugot nga wala sang mahimuslanon nga kundisyon kag nagasabat man sa armadong konplikto kag nagasingki nga gyerasibil sa pungsod. Ang rebolusyonaryong kahublagan sa sulod sang 30 anyos na niya nga paghimakas nagaangkon ini sang de

facto nga gobyerno nga may kontrol kag masangkad nga sakup nga teritoryo sa bilog nga pungsod, may nagalungtad nga gobyerno kag istruktura sa kaumhan, may disiplinado nga armado sang pumuluyo, may balayon para sa pagtukod sang demokratiko nga gobyerno sang banwa."

"Makatarunganon kag mabinungahon nga kalinong indi maangkon sa Negros kag sa bug-os nga pungsod kon padayon nga nagapabilin ang mahimuslanon kag mapiguson nga sistema sang malapyudal nga sa lokal nga aspeto sini gina-representahan sang Cojuangco-Maranon-Arnaiz nga dominasyon kag pagkaulipon sa imperyalismong US. Solbaron ang ugat sang armadong konplikto, kag ang solo nga dalan para sa kadalagan amo ang demokratiko nga rebolusyon sang banwa!"

Si Ka Armando ang Tsirman sang Komite Sentral sang Partido.

"Nakahimo kita sang mga signipikante nga mga pag-abante sa pagtukod sang Partido bilang abanse nga destakamento sang sahing mamumugon, ang New People's Army bilang mayor nga instrumento sa pag-agaw sang gahum pampulitika kag ang nagahiliugyon nga prente bilang pamaagi sa pagpahulag sa pinakamalapad nga maabot nga pumuluyo para sa rebolusyonaryo nga kawsa."

"Utang naton ang ining mga kadalag-an sa husto nga mga prinsipyo kag linya sang Partido sa larangan sang ideolohiya, pulitika kag organisasyon kag sa aton wala kataka nga pagpaninguha nga matigayon ini nga puno sang kalig-on kag kapagsik. Nagtrabaho kita sang mabudlay kag wala nagkahadlok sa sakripisyo ukon kamatayon sa paghimakas batuk sa kaaway."

Partikular niya nga gintumod ang dramatiko nga kadalag-an sa pagpukan sa US-Estrada nga nagahari nga hubon paagi sa paggamit sang mga taktika sang malapad nga nagahiliugyon nga prente. Iya man nga gintumod ang padayon nga pagdaku kag paglapad sang NPA nga nagahulag na sa masobra 100 ka larangan gerilya sa bug-os nga pungsod. Sa pihak sang gastuso kag lapnagon

nga kampanyang militar, padayon ang pagbaskug sang Pulang Hukbo kag paglapad sang baseng masa.

Sa negosasyon sini para sa kalinong upod sa GRP, ang NDFP nagpaslaw sa kontra-rebolusyonaryo nga handum sang reaksyunaryong estado sa pagpatalang, pagdemoralisa, kag ang ultimo nga handum sa pagpasurrender sa rebolusyonaryo nga kahublagan.



May 60 ka pungsod nga may problema sa terorismo. Duha sang tatlo (2/3) nga bahin ina sang kalibutan. Maupod ako sa imo sa tanan nga bahin kon kinahanglanon. Pres. Macapagal Arroyo

Gintumod man ni Kaupod Armando Liwanag ang krisis nga nagahanot sa pangkalibutanon nga sistemang kapitalista bunga sang sobra nga produksyon kag paggamay sang merkado.

Iya ginlaragway ang desperado nga papel sang imperyalismong US sa paggamit sang Septyembre 11 nga insidente sa New York & Pentagon bilang tungtungan sang gyerang agresyon sini sa ngalan sang kontra-terorismo. Sa likod sini amo ang katuyu-an sang US sa pagpanakop sang iban nga pungsod kag pagpalapad sang iya imperyo.

"Sa subong, nagagwa ang ang US maka-akto nga makaugalingon ukon magpamuno sang mga alyansa militar sa paglunsar sang mga gya-

agresyon. Apang pagkatapos sang tagsa ka agresyon, ang US ang nagakuha sang pinakadaku nga kihad sang nadaug sa inaway kag nagapahigad sang iya mga imperyalista nga alyado kag mga pappet sa pila ka bagay. Magaabot ang tion nga may kinagamo sa tunga sang US kag

sang iya mga imperyalista nga alyado."

"Sa palaabuton, ang apat ka mayor nga kontradiksyon magasingki sa subong nga dekada. Ini ang kontradiksyon sa tunga sang mga imperyalista batuk sa mga pigos nga pumuluyo kag mga pungsod, sa tunga sang mga imperyalista kag sang mga pungsod nga nagatindog para sa ila pungsodnon nga soberiniya, sa tunga sang mga imperyalista, kag sa tunga sang mga monopolistang burgis kag proletaryado sa mga imperyalista nga pungsod."

"Ang pagsingki sang sini nga mga kontradiksyon magapaibwal sang iban pa nga mga kontradiksyon. Sa idalum sang sini nga mga sirkumstansya, desaysibo para sa mga suhetibo nga pwersa sang rebolusyon sa madamo nga mga pungsod sa pagpabaskog sang ila kaugalingon, pasangaron ang ila hilikuton masa kag maglunsar sang paghimakas masa para sa pungsodnon nga kahilwayan, demokrasya kag sosyalismo batuk sa



imperyalismo kag tanan nga reaksyon."

Sa bahin sang rehimeng Macapagal-Arroyo, siling ni Ka. Liwanag, "Matapos mapahalin si Estrada bangud sang iya lantaran nga pagkagarapal, sobra nga pagka-arogante kag lapnagon nga korapsyon. Apang bisan ano ka cute kag kalimpyada sang mga pamaagi sang tagbulos ni Estrada, Si Mrs. Macapagal-Arroyo nagalutaw na nga patrona sang korapsyon."

Dugang pa niya "Ang Macapagal-Arroyo nga Rehimen nabutang sa higad bangud sang debosyon sini sa "free market" nga globalisasyon, nga naglalas paidalum sang upisyal nga utang pangluwas kag nagpabor sa mga pinagusto nga mga aktibidades sang mga multinasyunal nga mga korporasyon kag mga pribado nga mga bangko. Bilang konsekwensya sang halit sa ekonomiya sang liberalisasyon, pribatisasyon kag deregulasyon, ang tungtungan para sa mutwal nga akomodasyon sa kubay sang mga reaksyunaryo nga mga pulitiko sa pagkomiter sang korapsyon masyado na limitado gani ang mga akto sang korapsyon madali na mabuko."

"Ang badyet sang reaksyunaryo nga gobyerno halos nanging wala na sang pulos kag indi na nagakasanto. Nagadaku kada tuig ang depisit sa badyet bangud sang pagbayad sang utang sa luwas (46% sang total nga badyet), ang daku nga gasto para sa militar, pulis kag pondo para paniktik o intelligence (nagasobra 14 %) kag ang korapsyon sa pork barrel


kag mga kontrata sa pagsuplay nga ginsudlan sang tanan nga upisina sang gobyerno."

"Ang rehimen bulnerable sa pagpasingki sang mga kontradiksyon sa tunga sang mga reaksyunaryo nga partido pampulitika kag mga paksyon. Ang legal nga progresibo nga pwersa makakuha sang importante nga papel sa paghanay-hanay sang malapad nga nagahiliugyon nga prente batuk sa nagahari nga hubon."

Suno kay Ka Armando madalum na ang latun sang korapsyon sa sulod sang militar kag pulis.

Para padayon ang pagsuporta sang militar kag pulis kay Macapagal - Arroyo, siling ni Ka. Armando. "Si Mrs. Macapagal-Arroyo padayon nga nagapakita sang imahen sang pagkamaayo sa military sa pasulit-sulit nga pagdayaw sa ila, pagaprobar sang mga demada sang dugang nga pondo kag pagbutang sang GRP-NDFP sa mga kamot ni Gen. Angelo Reyes nga sekreto nga ginahanda sang US bilang iya nga manugbulos. Ang ining mahuyang nga imahen ni Macapagal-Arroyo masihag bisan pa magporma siya nga matig-a nga commander-in-chief sa pag-isyu sang mga matinggas nga mga pahayag kag sa pagsunod kay Bush sa pagduso sang ginatawag nga kontra-terorista nga linya."

Sa praktika ara siya sa gapos ni



Gen. Angelo Reyes kag kaangay nga mga militarista nga nagduso kay Estrada sa isa ka all-out war nga polisiya batuk sa pumuluyong Pilipino kag Bangsamoro. Ginbutang nila siya sa pusisyon sa pagbale-wala kag paghikayat sang mga bayolasyon sang tawhanon nga kinamatarung kag internasyunal nga tawhanon nga layi kag sa pagyaob sa mga militarista sang iya mga desisyon para sa GRP nga pagnegosasyon para sa kalinong upod sa NDFP."

"Isa ka malapad nga legal nga nagahiliugyon nga prente magatuhaw sa pagligwin kag pagpahalin sa subong nga nagahari nga hubon ukon sa pinakamanubo makapahuyang kag mag-upang sa pagdaug sa 2004 ng eleksyon. Subong man posible para sa pagkoordinar sang armado nga paghimakas sang pumuluyong Pilipino kag sang Bangsamoro sa isa ka malapad nga nagahiliugyon nga prente sa dugang nga pagpahuyang

sang pinakapundasyon sang reaksyunaryo nga estado" paabot sang Tsirman sang Partido."

"Ang krisis nga kundisyon sa Pilipinas kag kalibutan wala awtomatiko nagapatimaan sang rebolusyonaryo nga pag-abante. Katungdanan sang rebolusyonaryo nga pwersa ang malig-on, militante kag epektibo nga magpa-abante sang rebolusyong Pilipino. Ang Partido Komunista sang Pilipinas, ang Bag-o nga Hukbo sang Banwa (BHB) kag ang National Democratic Front dapat magpabaskog kag magpatalum sang mga kaugalingon bilang hinganiban sa paglutos sa kaaway."

"Dapat nga pabaskugon kag patalumon naton ang Partido bilang abanse nga pwersa sang proletaryado kag pumuluyo paagi sa pagtuon kag klaro nga aplikasyon sang Marxismo-Leninismo-Maoismo. Dapat kita padayon nga magtuon sa Ika-2 nga Dunggganon nga Kampanyang

panadlong. Dapat likawan naton ang bitag sang suhitibismo, ini sa porma sang empirismo o dogmatismo kag hugot nga mag-aksyon batuk sa imperyalismo, rebisyunismo kag reaksyon."

"Kompyansado kita nga sa sulod sang madason nga napulo ka tuig makahimo na kita sang mga dalagku nga tikang sa bag-o nga demokratikong rebolusyon kag ang kontra-imperyalista kag sosyalista nga kahublagan sa kalibutan maka-abante nga indi mapunggan sa pihak sang palala nga krisis sang pangkalibutan nga sistemang kapitalismo kag ang dalagkuan nga gumuntang bangud sang gyera-agreasyon kag kampanyang represyon." Patapos nga pahayag kag paglaum ni Kaupod Armando Liwanag.

Balita....Balita.....BalitaBalita....Balita.....Balita....Balita.....Balita 3 ka KRME Ginsilutan

Tatlo ka kontra-rebolusyonaryo-malain nga elemento (KRME) ang ginsilutan sang NPA sining Disyembre, 2001. Sang Disyembre 5, sa Mani-ak, Guihulngan, ginpanaugan sang rebolusyonaryo nga hustisya si Benny Escoba, masupog nga kontra-rebolusyonaryo halin sa pag-upod sini sa CAFGU. Ginsilutan man si Tinong Bakilta, isa ka agalon may

duta nga landgrabber sa kadutaan sa Bo. Trinidad kag kontra-pumuluyo. Si Bakilta imbolbado sa mga krimen kag mga grupong-tulisan nga ginpundar sang militar sa lugar. Ginpapatay sini sa mersenaryong AFP paagi sa pagsuhol sang daku nga kantidad nanday Ricky Escoba, may asawa sang tuig 2000, Boy Escoba sadtong 1999, John Cobol nga ginpalutaw sa suba

sang Budlasan sang 1998. Ginsuhulan ni Bakilta ang grupo sang iya anak para patyon kag kawatan ang mag-asawa sa tuyo nga maangkon ang duta sini. Nagapautang (5/6 o singko por saiz)man ini sa mangunguma nga ang kolateral amo ang ila duta. Sang Disyembre 11, sa So. Hagimit, Brgy Villegas ginsilutan si Pronie Serna, isa ka Brgy. Kapitan.

Katapu ini sang CAFGU kag masupog nga ahente sang militar. My kahilabtanan ini sa kamatayon sang 16 ka mangunguma kag pagpang-agaw sang duta halin pa sang 1984. Nagdaug ini sa eleksyon sa impluwensya kag kwarta sang mga warlord nga Paras kag militar.

TULA:

KAHUBLAGAN SA KAUMHAN

Ni. Ka Roldy Matibay

Indi matupungan nga kalipay sa tagipusoon akon nabatyagan
Sining tinion pag-upod ko sang kahublagan sa kaumhan;
Saksi ang mayami nga dahon sang mga kakahuyan
kag huni sang nanuhay-tuhay nga kapispisan
Nga nakig-ugyon sa kalipay sining nagapanumpaon nga mga
kaupdanan.

Rebolusyonaryong
kaisipan wala untat
naton pabaskugon
kag pauswagon Ina
ang proletaryadong
pagpahanumdum ko
sa bag-o nga
kaupdanan;

Ang Pula nga Libro
nga aton
ginsumpaan dapat
naton itatak sa
kaisipan. Nga wala
kataka sa pagpakig-upod sa masa
bisan kabuhi pa man ang kabaylo kon ginakinahanglan.



Ang Rebolusyon indi mahapos nga buluhaton Tunukon kag
talaklaron ang dalan nga aton pagatahakon
Mga sakripisyo kag kabudlayan aton masukmungan
Kagutom, kauhaw, kainit kag katugnaw aton matilawan diri
sa kaumhan.

Ang pagpahuway indi amo ang solusyon
Sa baylo, makapaatras lamang ini sa pagsulong naton sang
Rebolusyon;

Mga Sandigan nga Prinsipyo sang Partido hugot naton pang-uyatan.
Salsalon nga Disiplina pagabatunon kadungan sa nagataas nga kamuklatan.

Sa IPO nga hilikuton kon may pagtalang kag kabudlayan
Tun-an ang MAOISMO kag ini magaserbing matalum nga gabayan;
Dapat ipakigbahin sa kakolektibo ukon sa indibidwal nga kaupdanan
Ang nagagumon kag madulom nga pamensaron, seguridad, ini may kasanagan.

Tinguhaan kutob sang masarangan ang pagtukib sa sekreto sang kagawasan
Bisan pa man kabaylo sini ang wala tupong nga mga pag-antus kag kabudlayan
Suungon ang mga panganod paagi sa nagalapad nga rebolusyonaryong kahublagan
Bangud sa likod sang madamol nga gal-um yara nahamtang ang masanag nga palaabuton
sang NDR kag silak sang sosyalistang kadalag-an!!!

Sulong Katapo sang Partido

(Ginsulat sa tuig 1995)

*Katapo sang Partido, ikaw magmalig-on
Sakripisyo, kabudlayan, gintugyan nga
katungdanan sakbaton
Masanag ang kadalag-an sa tunukon nga
banas sang rebolusyon*

*Ang malawig nga paglihis kag dis-
oryentasyon Nakahalit sa imo pagsulong
Nahalugan ang teoretikal nga pundasyon
Ikaw nag-usmod, natay-og, naghuyang*

*Katapo sang Partido magmapagsik,
magsulong Yabe ang pagtib-ong sang
kahublagan panadlong Marxismo-Leninismo
Maoismo palig-unon
Marxista nga panindugan, panan-awan kag
metodo sa kaugalingon pandayon*

*Ikaw Komunista, may pagsulundan sa
kaugalingon Ang pinakamataas nga
kalipayan, alagaran ang katawhan
Ang pinakamataas nga handum, ang
pagbiya sa kaugalingon Ang pagdula sa sahi
ang pinakamataas nga misyon*

*Katapo sang Partido, pag-abante,
pagsulong Huwaran ikaw nga komunista,
palangga sang masa
Kabuhi handa nga ihalad kung
kinahanglanon Interes sang Partido, masa
labaw sa tanan, itib-ong !*